

207

Na osnovu člana 56. Zakona o organizaciji organa uprave u F BiH ("Sl.novine F BiH "broj; 35/05) te člana 10. stav 1. tačka 2. i člana 14., 15., 16. i 17. Zakona o dopunskim pravima branilaca i članova njihovih porodica (Sl.novine HNK-a broj 8/06) ,ministar za pitanja boraca, uz saglasnost Vlade Hercegovačko-neretvanskog kantona d o n o s i ;

**PRAVILNIK
O NAČINU OSTVARIVANJA PRAVA
PO OSNOVU PREOSTALE RADNE
SPOSOBNOSTI**

Član 1.

(1) Pravilnikom o načinu ostvarivanja prava po osnovu preostale radne sposobnosti (u daljem tekstu Pravilnik) utvrđuju se uslovi i postupak ostvarivanja prava po osnovu preostale radne sposobnosti u skladu sa članom 22. Zakona o dopunskim pravima branilaca i članova njihovih porodica (" Službene novine HNK " br:8/06, u daljem tekstu Zakon).

Član 2.

(1) Ratni vojni invalidi ili demobilizirani branilac imaju pravo na profesionalnu rehabilitaciju ako prema opštem obrazovanju, godinama života, zdravstvenom stanju i drugim okolnostima imaju uslove za uspješnu rehabilitaciju i ako nisu u radnom odnosu.

Član 3.

(1) Pod pojmom profesionalne rehabilitacije podrazumijeva se osposobljavanje za vršenje radnog ili drugog odgovarajućeg zanimanja, stručno osposobljavanje za vršenje određenog zanimanja i stručno usavršavanje.

Član 4.

(1) Ratni vojni invalidi ili demobilizirani branilac, koji nemaju stručnu spremu, osposobljavaju se za vršenje zanimanja za koje je potrebna stručna sprema stečena usavršavanjem.

(2) Ratni vojni invalidi ili demobilizirani branilac, koji imaju stručnu spremu nižu od sprema kvalifikovanog radnika, odnosno od srednje stručne sprema osposobljavaju se za vršenje zanimanja za koje je potrebna stručna sprema kvalifikovanog radnika, odnosno srednja stručna sprema.

(3) Ratni vojni invalidi ili demobilizirani branilac, koji imaju stručnu spremu kvalifikovanog radnika,

odnosno srednju stručnu spremu ili stručnu spremu višu od navedenih mogu se osposobljavati za sticanje stručne sprema jednake onoj koju imaju ako iz opravdanih razloga ne mogu vršiti zanimanje za koje imaju stručnu spremu.

Član 5.

(1) Ratni vojni invalidi ili demobilizirani branilac, imaju pravo na školovanje za obavljanje poslova za koje se traži viša stručna sprema od one koju ratni vojni invalidi ili demobilizirani branilci imaju, ako prema općem obrazovanju, godinama života, zdravstvenom stanju i drugim okolnostima imaju uslove za školovanje.

Član 6.

(1) Općinske ili gradska služba za upravu nadležna za boračko-invalidsku zaštitu može ratnog vojnog invalida ili demobiliziranog branilca koju ima stručnu spremu iz člana 4. stav .3. uputiti i na stručno usavršavanje radi sticanja stručne sprema više od one koju imaju ako su se naročito istakli u ranijem radu ili stručnom osposobljavanju i ako se može opravdano očekivati da će u redovitom radu steći takvu spremu.

Član 7.

(1) Ratni vojni invalidi ili demobilizirani branilac koji su već rehabilitirani nemaju pravo da se putem nove profesionalne rehabilitacije osposobljavaju za vršenje zanimanja za koje je potrebna stručna sprema istog stepena za koju su se osposobili prethodnom rehabilitacijom.

Član 8.

(1) Ratni vojni invalidi ili demobilizirani branilci zahtjev za profesionalnu rehabilitaciju, školovanje i doškoloavanje podnose nadležnoj općinskoj ili gradskoj službi za boračko-invalidsku zaštitu gdje je ratni vojni invalid ostvario pravo na ličnu invalidninu, odnosno gdje demobilisani borac ima prebivalište više od tri godine.

Član 9.

(1) Po prijemu zahtjeva iz člana 8. ovog Pravilnika općinska služba za boračko-invalidsku zaštitu je dužna odmah uputiti zahtjev nadležnoj ljekarskoj Komisiji za ocjenu radne sposobnosti da izvrši ocjenu radne sposobnosti podnosioca zahtjeva.

(2) Ocjena radne sposobnosti nadležna Komisija vrši u skladu sa propisima iz oblasti penzijsko – invalidskog osiguranja.

Član 10.

(1) Ocjenu radne sposobnosti nadležna komisija je dužna izvršiti u roku od 30 dana od dana prijema zahtjeva i o tome u roku od 8 dana pismeno obavijestiti ratnog vojnog invalida ili demobilisanog borca, općinsku ili gradsku službu za boračko – invalidsku zaštitu od koje je upućen ratni vojni invalid ili demobilisani borac.

Član 11.

(1) Općinska služba ili gradska služba za boračko-invalidsku zaštitu dužna je uputiti prijedlog ratnog vojnog invalida ili demobiliziranog branioca, a koji ispunjavaju uslove po ovom Pravilniku za profesionalnu rehabilitaciju Ministarstvu za pitanja boraca HNK.

Član 12.

(1) Profesionalna rehabilitacija provodi se na način i pod uslovima koji su predviđeni za rehabilitaciju po propisima o penzijskom i invalidskom osiguranju ako ovim Pravilnikom nije drukčije propisano, s tim što se rehabilitacija može vršiti redovitim školovanjem u školama srednjeg obrazovanja, višim školama i fakultetima, ali najdalje do sticanja više, odnosno visoke stručne spreme.

(2) Na zahtjev Ministarstva za pitanja boraca HNK, kantonalni organi uprave i kantonalne upravne ustanove, Grad Mostar, općine sa područja HNK, kao i sve pravne osobe čiji je osnivač Kanton, Grad Mostar, ili općina, odnosno koja se financiraju iz Budžeta s učešćem od najmanje 25%, dužna su primiti na profesionalnu rehabilitaciju ratnog vojnog invalida ili demobiliziranog branioca kojeg uputi Ministarstvo za pitanja boraca.

Član 13.

(1) Ratni vojni invalid ili demobilizirani branioac ima pravo nastaviti započetu profesionalnu rehabilitaciju, ako je do spriječenosti došlo uslijed bolesti ili drugih opravdanih razloga, ukoliko spriječenost nije trajala duže od 6 (šest) mjeseci.

(2) U slučaju iz prethodnog stava, trajanje profesionalne rehabilitacije može se produžiti najviše za onoliko vremena koliko je trajala spriječenost.

(3) Ratni vojni invalid koji uslijed bolesti ili drugih opravdanih razloga nije završio profesionalnu rehabilitaciju na koju je upućen može biti ponovno upućen na istu profesionalnu rehabilitaciju.

Član 14.

(1) Ministarstvo za pitanja boraca će u roku od 8 dana od dana početka profesionalne rehabilitacije ratnog vojnog invalida ili demobiliziranog branioca, pismeno obavijestiti općinske ili gradsku službu za boračko – invalidsku zaštitu koje su uputile prijedlog za profesionalnu rehabilitaciju.

Član 15.

(1) Radi vođenja mjesečne, odnosno godišnje evidencije o predmetima profesionalne rehabilitacije, nadležna služba Ministarstva za pitanja boraca će formirati posebnu evidenciju, a po potrebi podnosi izvještaj ministru za pitanja boraca, Vladi i Skupštini HNK.

Član 16.

(1) Ovaj Pravilnik primjenjuje se od dana objavljivanja u " Službenim novinama HNK " .

Bosna i Hercegovina
Federacija Bosne i Hercegovine
Hercegovačko-neretvanski kanton
Ministarstvo za pitanja boraca

Broj:12-43-01-1561/08
Mostar; 12.06.2008. godine

MINISTAR
Albert Šunjić, dipl. ing. s.r.